

ह्यणा । आ॒न॒शे व्या॒न॒शे स॒र्व॒मा॒यु॒र्व्या॒न॒शे । ये ते अ॒ग्ने  
शि॒वे त॒नु॒वौ । वि॒राट् च॑ स्व॒राट् च॑ । ते मा॒वि॒श॒तां ते  
मा॒ जि॒न्व॒तां ॥ २ ॥

ये ते अ॒ग्ने शि॒वे त॒नु॒वौ । सं॒म्राट् चा॒भि॒भू॒श्च । ते मा॒-  
वि॒श॒तां ते मा॒ जि॒न्व॒तां । ये ते अ॒ग्ने शि॒वे त॒नु॒वौ । वि॒-  
भू॒श्च परि॒भू॒श्च । ते मा॒ वि॒श॒तां ते मा॒ जि॒न्व॒तां । ये ते  
अ॒ग्ने शि॒वे त॒नु॒वौ । पृ॒थ्वी च॑ प्र॒भू॒तिश्च॑ । ते मा॒ वि॒श॒तां ते  
मा॒ जि॒न्व॒तां । या॒स्ते अ॒ग्ने शि॒वास्त॒नु॒वः ॥ ता॒भि॒स्त्वा द॑धे ।  
या॒स्ते अ॒ग्ने घो॒रास्त॒नु॒वः । ता॒भि॒रमु॒ङ्ग॑च्छ ॥ ३ ॥

चतु॑ष्पदे जिन्वतां त॒नु॒व॒स्त्रीणि॑ च ॥ ७ ॥

अष्ट॑मोऽनुवाकः ।

इ॒मे वा॒एते॑ लो॒का अ॒ग्नयः॑ । ते यद॒व्या॒वृ॒त्ता आ॒-  
धी॒येर॒न् । शो॒चये॑यु॒र्यज॑मानं । घ॒र्मः शि॒र इति॑ गा॒र्हप॑त्य-  
माद॑धाति । वा॒तः प्रा॒ण इत्य॑न्वाहा॒र्य्य प॑चनं । अ॒र्कश्च॑-  
क्षु॒रित्या॑ह॒वनी॑यं । तेनै॒वैना॑न्व्याव॑र्त्तयति । तथा न शो॒-  
च॑यन्ति यज॑मानं । रा॒थ॒न्त॒रम॑भिगा॒यति॑ गा॒र्हप॑त्य आ॒-  
धी॒यमा॑ने । रा॒थ॒न्त॒रोवा॑ अ॒यं लो॒कः ॥ १ ॥

अ॒स्मिन्ने॒वैनं॑ लो॒के प्र॑ति॒ष्ठित॑माध॒त्ते । वा॒म॒दे॒व्यम॑-